

局志 694

曲沃縣新志

第一本

74092

形勝	沿革	星野	凡例	序文
山川	疆域	圖考	目錄	姓氏

74092
34
新

金

新修

乾隆戊寅

曲

沃

縣

志

本衙藏板

新修曲沃縣志序

乾隆戊寅仲春

丁巳進士

河東觀

喬光烈

上海

國僑以博物擅詞令兒寬用經術澤吏事然則通儒醇雅當其政之觀成借史筆以斧藻其邑乘亦古製錦名疆者所特重哉然著作之才燦然可觀尤使言典事核抉箋注之疑豁耳目之滯如咸池烈景羣幽旁照而後迺可駕往詰轅後雋垂爲不刊之典籍張君衡湘名宿雕葉鏤冰與古作者侔乾隆甲戌自天城移宰曲沃未數月訟希團絲歌來醇酒幾埒於傅山陰顧建康之治余奉

天子命持節兩河間久重其最績歎爲屬邑冠每商政事則源源本本益令前席傾倒沃人苦蒙城侯馬之兩驛也余與之均其役歲丁丑夏移蒙城還歸太平史村士民踴躍請修志以紀其盛事君則苦爲秉筆詢其故謂修他志易修沃志難他邑無據因仍前乘續刻而弁之以序耳沃則古爲霸國前有經書左國史漢班班可考顯與相戾考訂之謂何創始而更

新修曲沃縣志

序

一

新則怠於政事况唐宋無傳本中明草創於劉令萬歷趙令變爲沃史百年凡五修之康熙丙戌潘令以縣志不宜稱史復修爲志雖止五十餘年而疑仍不辨文仍不備倘因陋就簡修猶不修報於受梓也余時勉以學者當爲其難矧責有毋庸辭者哉今年春志稿成余量移天津矣君因咨言於余余惟揚子雲有言斷木爲棋挽革爲鞠皆有法度况以志百里者稽考諏詢建置沿革宜其慎也然墨守成法往往爲故籍所愚今見撰述之次曲沃新田確詳遺址絳山沃水研究源流俾千年塵跡如日中天又採石經雕史以廣文苑搜異見奇聞以光詞林四十卷中皆發前賢所未發者夫自有沃縣以來昔之令不知凡幾百輩也而誰問其根柢今舉君之辨證數大端足以鑄貞珉而芳竹素度越前徽遠甚書其績非特沃人吟焉歌焉社焉稷焉卽列諸統通志殆有煒其光者歟且按之義例精覈糠粃播除不俚不濫無雜無支事廣

於先。文美於昔。誰不稱之爲信史哉。抑余又思焉。文章與政。治原不相妨。觀北戶交南之志。皆作於從宦。惟人之才學。敏練淵博。有不同。是以不待掣其肘。而兢兢簿書。日慮不給者。蓋不少。君今出其有餘。優而爲之。以視古之君子。不後先。媿美乎。採風者披其志。土地之衍奧。財賦可稽。關隘之扼塞。山谷可數。治化之淳和。民俗可知。人物之蒸蔚。教澤可見。實沉之墟。參伐之野。儼然留先晉之餘烈。外史書之。非君之業而奚屬。昔余官關中。則愛康氏武功志。今官河東。則愛張氏曲沃志。皆以綜核有法度也。王阮亭謂武功物料湊手。得蘇蕙迴文詩。有光於編首。今君得古邑而纂輯之。光以詩禮春秋。左國馬班言典事核。精確不磨。以視迴文詩之相去爲何如也。君之才名甲當世。必有讀此志而寶貴之者。然則曄耀一邑。沃之人固有幸矣。豈知良牧之當

聖朝華實兼被。蓋僅僅乎見之。能弗深慶乎哉。是爲序。

新修曲沃縣志序己卯仲夏

乾隆甲戌榜眼翰林侍讀學士王鳴盛鳳階

曲沃在西周時晉成侯自晉徙都爲五世侯封地昭侯以封叔父成師爲沃國其後併晉遷于絳春秋時爲晉宗邑也獻公使太子申生居曲沃又爲之城曰新城傳至景公十五年遷于新田復命新田爲絳以絳爲故絳實晉成公六年也是終晉之世皆居新田云漢志聞喜故曲沃武帝更名絳晉自曲沃徙此絳水出西南續漢志晉志並同其時未有曲沃也北魏始有曲沃與聞喜絳並立析絳之新田置也自隋以來皆因魏是故今之間喜古曲沃也今之曲沃古新田也舊說相沿如此吾友湘潭張君和五好讀書攻詩歌古文辭爲令其地政聲甚茂出其餘力輯縣志四十卷獨駁去舊說以爲古曲沃不當逾絳山汾澮以南且武帝紀謂帝至左邑桐鄉聞南越破以爲聞喜縣蓋左邑南鄰曲沃境故地志遂指聞喜爲曲沃耳反覆考之當以今縣治西南數里之故城爲

新修曲沃縣志

序

一

古曲沃而今縣治內有晉世子墓當爲申生所居之新城其新田則今縣治西三十里侯馬鎮土人猶以新田呼之當汾澮之交正與韓獻子言新田有汾澮以流惡者相合君之說援古証今博辨無碍聞者雖疑且駭君不爲奪予方繫官京師惜未暇從君眺覽登陟於其間據所目覩質諸傳記以驗君說之精也君之在曲沃於今六年矣方以課最入

覲來京師以君之久於其職與其士民甚親而又能勤於吏事也與之語於其一邑之利弊因革罔不條舉縷縷然然則君洵可謂克稱厥職而援古証今考正傳紀之訛謬此蓋君之末耳乃予於此益以見欲爲循吏者非通儒不可也爰序其書而歸之

新修曲沃縣志序

乾隆戊寅

縣令張

坊和五

宜與儲六雅先生修山西通志成書坊時在京邸遊太僕師門受而閱之立論有典則而辨證一志剖疑摘要見未曾有至散見各邑若彼此相牴牾先生則并兩說存之因就正講益謂修省志徵之縣志也辨其大綱耳餘則三晉廣矣勢不能如盧敖之窮遊穆滿之徧歷身親目擊真知確見握管時能以此邦文獻而臆斷其有無可乎解人知之矣坊時爲之心折夫志以昭信亦以釋疑民牧者爲人師長將以釋羣疑也必足之所履目之所經能指畫其山川都邑形勢建置胸有成竹而後迺可釋羣疑而千古因仍沿革之說亦不致任人秉筆滄漭而罕所抉摘曲沃屏鄆太行襟帶汾澮稱平絳劇縣舊矣風俗之儉樸財貨之衍輿冠紳文藻之彬彬都蔚自明迄今來令茲邑者先後皆纂錄如周書鄭志史胥藏之用昭一邑大槩矣蓋志乘之修廢與政治之張弛實相爲表

新修曲沃縣志

序

一

裏今去雍邱趙君修沃史時百五十八年卽崇安潘君修縣志亦五十有二年稽之外史掌邦國之志每歲詔登相去久遠則編其戶籍之登耗上其生齒之繁寡酌其徭役之勞逸經其渠堰之蓄洩踵前人功鑿然使不磨余也何敢多讓顧志以垂信而剖疑余來沃凡沃所當爲不惜謏劣每舉而正之然三年中所疑而莫釋者獨曲沃新田之故墟恒軫輻而不能申其辨嘗考之先儒注疏前代著述皆稱古曲沃在聞喜新田在今曲沃坊以形勢推度山川區畫古曲沃不當逾絳山汾澮以南新田豈宜仍遷沃城爲一地卽兩邑之聞人如二李者互載辯證然皆無地以處新田此千古以曲沃爲疑案相沿而不改熒惑將終古焉會歲丁丑邑人以移驛之舉欣然請重修縣志余乃以平昔所問學參之三十年之閱歷遠稽近徵彰明較著指侯馬爲新田古城爲曲沃今治爲新城陳書質之繪圖考之作徵辨之編質諸士夫英髦怡然

渙然。冰解心服。乃知尙論當具隻眼。立說需有確據。臆斷者何能操邑乘之觚。未嘗不往復六雅先生之言之有旨也。坊惟曲沃新田。在成周爲封國。及隸平絳。稱雄望。古籍昭然。煌煌乎大邦也哉。乃不採經傳。不辨故址。不核名義。非地負人。實人負地。讀書稽古之謂何。然饒於古而畧於治。將人民社稷。豈能以不治治之耶。故華藻之以文章。根據之以事跡。尤舉治化所切要者而書之。然後羣知趨向。斯三千年之名區勝地。不淪於蔓草荒烟。億萬載之學士文人。皆自明於光天化日之下矣。古者輶軒採風。其典雖廢。稽雍正七年。

詔各省修通志。以備一統志之採擇。今卷帙裒然。凡郡邑之所撰輯。皆若金鑑南車。而坊也遭逢。

明聖。分符古邑。職宜以文章報稱。備內外史考。而潤色休明。黼黻皇猷。顧敢稍自暇逸。不力爲考信。以昭示吾民。而剖厥疑於來許也耶。

舊志劉序

嘉靖三十年辛亥

邑侯劉魯生

恩縣

曲沃舊無志刻。嘉靖戊申九月，予承乏是邑，纔踰月，巡撫舜澤蘇公移文來取縣志。予實不文，且初任未暇也。因謀諸耆舊，得邑之英毅軒李子。裴莊仇子。近泉許子。禮請以董其事。兩月而集成。予公暇，披閱三覆，見風土之美，山川之秀，賦役戶口之繁，物產之衆，官師人物之賢，文章著述之雅，甲於他郡。廼作而嘆曰：沃古封國也。肇自三代，大盛於春秋。至今猶爲河東劇邑，而無志焉。斯不謂之缺典乎？廢而不舉，有司責也將欲以三子之所成者壽之於梨，又思今郡縣志卽古列國之史，所以彰往察來，別淑慝，昭勸懲也。非可易易言者。必廣詢博採，而後無遺蹟，循名責實，而後無訛傳，義正詞確，而後無贅語，類序倫分，而後無亂章。故其載欲悉其事，欲核其書，欲直否則疎也，戾也，支且舛也。志雖作，不如其已。此古文章之士操觚染翰，千言可立就，至槩之以史，則雖學博二西

新修曲沃縣志

舊序

一

體具三長，而於一字之下，未嘗不含毫閤筆，遜其難而莫敢定。顧予何人，而敢當茲任哉？遂寢其事。因循幾二載，毅軒子復來請曰：邑志前此凡三作矣。今皆隻字弗錄。若再襲前愆，恐九仞之功，廢於一簣之未成。寧不爲智者惜乎？予因其言而諦思之。金匱石室之藏，與蕘夫野人之記，臧否不同，其趣一也。矧我國家疆理海內，曲沃去畿壤僅千餘里，其民物之被德澤，人材之沐教化，亦深且久矣。則夫紀述治功，贊揚盛美，亦有司奉職之義也。是以忘其謗劣，取三子之錄，間以已意繁冗者刪之，失次者定之，缺畧者補之，事類之不係乎本縣，無關於名教者削之。總其綱則有八，析其目四十，有六平帙，分爲上下二卷。大率從三子之筆，而補偏救弊之論。毅軒子爲居多，皆矢心秉公，守正不阿，據古今之跡，考名實之副，共求爲實錄，以示存羊之意云爾。若曰明軌憲章，崇教樹風，義足追古文，可傳後，繼成一邑之典，又俟夫後之長於史才

者而予固非其人矣。

舊志李序

嘉靖三十年辛亥

孝廉商州牧

李廷寶

穀軒邑人

沃有手錄志。邑人張文聰氏家藏。凡二卷。不知其作者為誰。而傳自景泰正德之初。都憲退齋公修飾之。當時有司弗錄。諸梓而今乃亡之矣。嗣後侍御沸泉公修之。司訓周君錡集士子而又修之。生儒耿君禮又修之。凡三舉也。皆因上官所購。故有司敦請之。以應一時之求。事已而遂棄之。屢修屢廢。迄今無成書。嘉靖戊申。巡撫舜澤公集郡邑志以為通志。而復來取於沃。時泗泉公視篆之初。未暇修撰。乃屬其筆於裴莊仇子。近泉許子。而濫及於寶焉。寶等承命。深以弗稱。是懼既而矢同心之公。肆日夜之力。披閱子史。參考舊乘。採掇衆長。竊附己意。歷兩月而藁成。然蕪詞贅說。學無議於人。哉。補偏救弊。崇雅黜浮。固吾泗泉公訂正之力也。公分為二帙。獻之於省。復出俸餘。壽之於梓。使數百年缺典。今為完書。其有功於吾邑也大矣。其加惠後學也遠矣。

新修曲沃縣志

舊序

二

功於吾邑也大矣。其加惠後學也遠矣。

舊志許序

嘉靖三十年辛亥

孝廉河間令

許遜

近泉邑人

兩儀奠位。日月星辰麗於上。山河草木寄於下。志之理具矣。河出圖。洛出書。聖人則之。體國經野。以為民極。志之事詳焉。容成氏之所兼。職方氏之所掌。未之有易也。我明中興。倣古為治。上自天文。下及地理。中而人賢物阜。時序禮秩。罔不志焉。志也者。所以核名實。昭勸戒。彰往鑒。備采擇。以敷政治焉者也。今之郡縣。古之列國也。今之志。古之史也。俗風觀於斯。政治污隆具於斯。學校人文。關於斯。賦役備於斯。疆域封守。山川物產。載於斯。故觀志者。可以知土地之宜。可以識時勢之趨。可以設教。可以崇化。可以通變。以宜民志之所係。豈其微哉。曲沃肇自成侯。赫奕於晉。霸圖數世。嗣是而後。生於斯者。未嘗無志。志其所知。而不能及於其所不知。官於斯者。未嘗無志。志其所見。而不能及於其所不見。是以隨得隨失。若

存若亡湮沒而不舉者數百載君子之至於斯民風雖可傳
污隆其何稽河山雖可覽文獻其何徵甚哉志之不可已猶
政之不可無也泗泉劉公尹我茲土樹教維風建極端軌首
以是志爲問可謂知大體矣旣而巡撫舜澤公移檄來取遂
廣搜博採以盡其能循名考實以覈其真分門析類以秩其
序崇雅黜浮以正其義綴遺備畧以宏其規使數百年未定
之典一旦而屹立數百年已往之蹟一覽而無遺勸戒昭然
美惡俱具是豈漫爲已哉徵事存乎學立議存乎識屬辭比
例存乎才公博洽明練識見卓越政暇之餘絺章繪句擣華
敷英固不苦著立之難傳之四方垂諸久遠永宜爲史氏之
守遜也躬沐德化且辱命教樂觀厥成而止前輩虛糜之費
又愧蠅附不能贊珠玉之輝煌瑜麗也

沃史舊序

萬曆四十年壬子

解元進士李尙思

晉峯邑人

曲沃之有志也自恩縣劉侯始今雍邱趙侯起寶坻令來沃

新修曲沃縣志

舊序

三

甫下車卽慨然前志乃屬邑博王君曰俞萃文學閭生重光
梁生士毅劉生靖國因生貳卿等分類編纂語語皆由於剏
名之曰沃史而問序於余昔者成周建國各有專官以職紀
載則爲史臣乃子輿於千八百國中僅舉晉乘楚檣杞以證
魯史春秋則知善史之良難今之邑志國史之遺意也語有
之土生人人生事事生志志一出而人畏志乃懼事是故董
狐之筆可信而徵可懲而勸侯之意實寄之沃史哉沃自晉
昭侯封桓叔乃有今名而繼世號多事建新城之後恭世子
經於譖然終晉世猶遞有弑奪而隨分於魏終入於秦爲左
邑漢元鼎間爲聞喜而建武又爲絳至後魏而復今名名何
以仍曲沃也謂膏腴猶故耶而侯則謂石田多而軍興重民
以賈而輕去其鄉泰山發婦不畏虎而畏政其意欸欸在民
矣卽山川建置方域物產亦必宜氓隸之鬱若痾瘵之在身
焉見其表則重秩官見其攷則重風俗見其志則重人物見

其傳則重檣杙若曰凡爲秩官者悉爲民有者也一不穀其謂民何民以習成釀爲風俗人物先民之典型而檣杙其攷鑒者也侯之評邑令有官卽微人豈微官負人人負官之論言言斧鉞讀之凜凜則侯之入於民者可知是信史也人比之春秋而實沃侯之政記也或惜侯才賸三長乃不爲史而爲吏然人人循良而天下治人人操不律而民亦安所寄生死乎侯抱直突之慮而情見乎詞能爲千古徵文獻又何吏之不爲史也沃之史前無作者有之自雍邱趙侯始則其書不直可上追晉之乘哉

再修沃史序

順治七年庚寅

進士兵部
左侍郎 衛周印 邑人

古者天子巡狩以觀風太史陳詩以貢俗達志通欲中無釜鬲迨後天高閣遠風俗湮鬱民間美惡淳澆末由聞於天子之庭嗣大吏受王者命循行方國採習俗風謠以獻於殿陛由是天子有史郡國有志夫志者志也一邦之人有事於此

新修曲沃縣志

舊序

四

而悉志之一邦之宰有事於此而亦志之志之者何將以扶翼斯人於有裨助流教化於無窮斯作志者之志也沃爲晉國巖邑自晉昭侯封桓叔曲沃始著延袤逼促壤地褊小其間山川風土人才名物每以積聚之厚挺秀傑之寄大抵人尙勤嗇心存樸良質遷十之七耕讀十之三腰纏充盈棟鏤瘁苦伏案之子又且浩博而篤信是以繙閱沃志者不勝一隅三古之思焉今何如乎跳梁者揭竿而呼輕佻者游手以食肇牽車牛者出門何所之較量雨晴者旱澇有難問飽沃邱索者且苦青緇之零落而嗟黃鳥之罔棲嗟乎回視勤嗇樸良相去亦什伯焉雖風會使然亦人心不逮古也遠甚編是志者雖曰志山川之勝槩可動保障之思志聖賢之芳規可奮景行之願志戶口之登耗賦役之繁簡可履愛養之惠志士風之端邪民習之猥樸可施維挽之術志之關係重矣哉余獨以爲追昔日之所事觀今日之所行山川仍故一切

戶口賦役。士風民心。有一不動採風者。咨嗟嘆息乎。今幸際李公政通人和。百廢具興。將謀所以續前未竟者。有慎始和中。公其克成厥終者耳。後有觀風君子。臚列善狀以登。安在沃志不與國史同觀也。

三修沃史序 康熙五年丙午

河南陝西巡撫兵部尚書 賈漢復 膠州人

予不斐。叨撫兩河時。目擊凋殘。徵文考獻於杞宋。庸備勸懲。蓋數年而畢役。藉手入

告。采采矢慎。罔敢曲徇。每有知罪之懼。他日奉

命入秦。歸經里門。見邑乘缺遺。竊有志焉。以

簡書夙駕。未遑討論。閱今又數年所。邑侯朱君暨薦紳輩。爰有繕修之舉。役竣。走函問序於余。夫以九州而冀居其一。三晉之中。沃惟一。同壘空大澤之喻。似於微末而易理。曩在萬歷壬子。邑侯趙公以三長之管。擢秀闡微。勒為全帙。沃史稱焉。少宰李先正序其崖畧。差云備矣。今嗣續而為之。積之以五

新修曲沃縣志

舊序

五

十餘年。缺遺散失之後。欲以一邑觀全晉之運會。其漏也。闕疑而實固陋也。其誣也。搜奇而實無稽也。其訛也。膚則金根惑則豕亥也。其穢也。荒如草蕘。濁如塗泥也。不知其難而鹵莽之。與知其難而憚畏之。築舍焉。聚訟焉。一傳衆咻。環攻正的。斯則人有史禍之慮。時鮮陽秋之準矣。予惟

皇清一統。十五國英才輩出。典籍苞符。無不雲集。敝邑雖小。簡在而枚卜者。

國初有兩公焉。固叔向子。華子之遯風。亦地氣之盛也。山互峙於東南。汾曲抱於西北。不但形家艷稱之。靈淑攸萃。實產賢豪。明季以勝首捷者。聯翩而三。其他靡仕榮祿。又不可以更僕說者。以為人地交相為重。自成師申生而下。曲沃之名。將與天壤俱永。而竊有慨焉者。民日瘠矣。名雖沃土。未善也。歌詠唐風。朴儉質淳。固克安貧。而無佚志。戶口縮於舊版。膏力竭於繭絲。休息煦養。有望於今之君子者。匪朝伊夕矣。夫志

之最古者。晉乘與魯春秋並垂。卽舊一統志。山西通志皆不啻格人元龜云。予所知者。安邑曹先生之志。以六官分隸。條目臚然。藝文則首峒嶺。超越諸子。信名裁也。今之曲沃將不讓於安邑。予得快讀之。且附以不朽。時予爲陝西通志。會且成書。又贅之曰。集往古而示來茲。固薦紳之事哉。然上之關乎。

朝廷下之關乎風教。安在邑志不可與。

國史並也。茲役也。可謂知本矣。

四修沃史序

康熙五年丙午

太原司馬 署縣事 張奇勛 祥符

沃。奧區也。溯自太行而西。地勢盤礴。石田綿亘。二百里許。至此而地始衍曠。紫橋爲屏。巋然表之。而沃居其抱。澮汾之環。滌如帶。蒼玉之瀑布。如練。川嶽之氣。獨於沃乎。是鍾故其人。文嶽嶽。歷代稱文獻邦。語曰。沃土之人息。其士矜而秀。民樸。檄而好禮。猶陶唐氏甸服遺風。至其戶口之殷繁。土宜之碩。

新修曲沃縣志

舊序

六

且滋不煩縷悉。而地當秦晉之衝。又居然河東一巖邑哉。予於丙午春。適以邑令乏人。來代爲庖者。曠觀山川之勝槩。仰止乎文物之蔚勃。爰取成志而盱之。見其自戊辰以至我清定鼎以來。闕焉未續。於戲。邑之士風沿革。代各有紀。其官師文物。崛起。

與朝者。炳炳麟麟。而巖邑之乘不備。曷以充計吏之貢。而應輶軒者之採風。古者列國陳詩。太史掌之。昭勸誠表。善良犬者。刻於國書。厥詳與細。復綜之各郡邑。故邑志所謂閭史也。蓋與國史並重云。然難言之。史以誌備。昭信備。則徵徵則信。信則傳。必有一代之偉人。斯能謀百世之大業。修舉未易易耳。而沃之乘終不可闕焉。適范憲使監郡河東。因而揚扞盛典。且重以師相之表率。中丞之推誠。進邑之紳士。而商榷之。延國老衛公君澤。許公霍東。出其才與識。訂續舊編。學博王君肖舜。董其役。以名世立言。自成不朽盛事。不徒爲方輿之

紀辭必信今而傳後振雅釐浮勒成盛典豈曰琬琰於一時
乃史成而請序於予予曰於戲沃固奧區也踞河東上游其
人文蔚起嶽嶽猶昔而蒙侯輪蹄吏疲奔命民困無毛採風
者不無時勢異殊之感予以雒中迂儒代庖六月藉諸君後
可幸無過今樂觀其成而文獻足徵矣沃之幸也珥筆諸公
之力予何力之有

五修沃史序

康熙七年戊申

邑侯周

鉞莆田

曲沃之志創於嘉靖恩縣之劉成於萬厯杞縣之趙至我
皇清康熙丙午署沃今衡陽太守張公銳然邑乘按圖考狀徵故
采謠其經鄉先生之耳目士大夫之口吻者業核其詳無亥
豕魯魚之訛也凡土疆之分合山川之流峙道路之通達風
俗之隆替物產之登耗邑里之興廢賢科人物宦跡官師靡
不包括無遺而復以雲漢昭回之章冠焉咫尺之編識大舉
細彰往古而揭來今厥功金石與並矣余不敏承乏椒聊之

新修曲沃縣志

舊序

七

墟夙夜在公拮据民事於鉛槧文獻懼歲蕤不逮溪刻徒勞
不敢作拈毫想茲沃邑之老成具瞻裁衡鉅典則大師相大
司馬謂志之藝文一卷所以彰符采也而文多挂漏卽靈光
一碑讀之輝光四映者竟置不錄屬余以校搜之役因不敢
避炎暑尋巖岫之迹求鄴架之藏兩旬而殺青乃竟剗劂將
竣唯舊史內自唐宋金元明之有日無文者間爲補足其
國朝諸家詩文咸已鐫石而藝文則差有可觀刻有成本因弁
數語以志其勤云

五修沃史序

康熙七年戊申

解元進士 衛周祚 邑人

嘗聞作史有三長曰才學識修志亦有三長曰正虛公何謂
正表端始可取影繩直始可裁木有廉潔平直之望一受事
咸心傾焉然後可以惟吾抑揚而人不譁何謂虛衷必成於
衆腋冶必集於碎礦匹夫匹婦之口有確案焉谷虛則響應
器虛則受多自是非人先正戒之矣何謂公平衡不觭軒輊

止水不作妍媸。惟物有分。惟人有質。墜淵加膝。使人眩於名實。罔知所守。則孰是簡斥之不言。怨榮錄之不言。德者有此三長。而又有才學識濟之。然後可握生花五色管。了於心而指諸掌。沃之爲邑。其地則春秋之新城。其事則毛詩司馬遷班固類能言之。而其義則在創志修志與續志者。觀感而起。各喻所懷來而生於其心。發於其事。攷於其故。傳於其後耳。余官國史。日兢兢於史事之難。吾邑周侯治沃。有特操。有異政。余欣慕者久。茲且以丁未戊申兩年。事關民社。及節孝秀者。類足之。丙午年後。賚其成帙來示。靜氣讀之。見其於紀之二。表之七。攷之八。述之三。與夫二志五傳。罔不訂訛正誤。心細於髮。獨殫厥心於藝文一志。患其志之錄詩而遺文也。維時賈司馬公趨

朝過里。侯不憚炎暑。趨而就正。集紳衿於泮宮。雖有人代遼遠。精爽闕湮。躡尋亡其端委。毫素失其標紀。極意采搜。得唐王

新修曲沃縣志

舊序

人

勃靈光寺碑。及宋金元明古文綴原志文目之下。而以國朝諸文列其中焉。猗歟。侯之意良美且大矣。臨淄侯曰。文章經國大業。不朽盛事。旨哉斯言。堪起作者。侯之導沃人士。游

國家同文之化。家絃歌而戶詞賦。更授簡勸督。寧質勿縟。寧經勿諧。寧簡勿蔓。寧澹勿支。寧黜其臆測。而遵蕩蕩平平之路。非所謂正虛公而濟以才學識。曷克臻此。今而後。人文彬彬。山川生色。藉有侯之全史矣。

舊志潘序

康熙四十五年丙戌

邑侯潘

錦 崇安

曲沃舊志五卷。明嘉靖間縣令劉公魯生所修也。萬歷間知縣趙公彥復增爲二十六卷。名曰沃史。

本朝攝縣事太原司馬大梁張君奇勛。因沃史舊文。重加編輯。爲二十五卷。前令莆田周公斌。別綴藝文若干首。書始出。或病其言不雅馴。詮次糾繆。有志者每欲起而正之。余嘗讀是編。

自愧見聞謏劣。不能窺作者旨趣。然於標目。頗竊疑之。蓋古者諸侯。各以其年紀元。故列國有史。如齊之有南史。晉之有董狐。是也。自封建改爲郡縣。禮樂法度。一稟章程。無敢私議於室。卽稗官野史。同於齊諧。君子猶或非之。况一邑之紀載。儼然自命爲史乎。故嘗過不自料。輒與邑中同志。取曩時舊志。別爲義例。增損彙括。闕者補之。繁者約之。平心商榷。一衷諸道。名曰曲沃縣志。蓋所以繼前賢未竟之志。竊附於張周二君子纂輯之末。非敢爲作也。後之君子。本是編而參考。互訂。別展心裁。勒爲一書。光諸國門。予又竊有望焉。

新修曲沃縣志

總裁

奉直隸都察院右副都御史巡撫山西等處地方提督鳳陽等關兼理雲南加級紀錄五次

塔永寧

提督山西全省學政掌陝西道監察御史加一級紀錄三次

蔣元益

山西等處承宣布政使司布政使加六級紀錄三次

劉慥

山西等處提刑按察使司按察使加二級又軍功加一級

明山

山西布政使司分守冀道管理通省驛傳事務轄太潞汾澤遼沁平七府州加三級紀錄五次

趙孫英

前山西布政使司分守河東兵備道管轄蒲府解州按察使司副使加級紀錄五次

喬光烈

山西布政使司分守河東兵備道管轄蒲府解州按察使司副使加三級紀錄五次

黃凝道

護理河東兵備道印務蒲州府知府加二級

周景柱

新修曲沃縣志

職名

山西平陽府知府紀錄三次

秦勇均

山西平陽府水利同知

李士适

山西平陽府督糧通判軍功加一級

陳鐸

纂修

山西平陽府曲沃縣知縣加四級紀錄八次又軍功加一級紀錄五次

張坊

收掌

山西平陽府曲沃縣教諭

馮仁

山西平陽府曲沃縣訓導

杜坤

監造

山西平陽府曲沃縣典史

王正